

Ժողովուրդ

111
(2777)

1 օգոստոսի երեքշաբթի 2023
տպագրության ԺԲ տարի

✉ ք. Երևան, Արվյան 22ա/3 (0010)

☎ + 374 10 546423

@ info.armlur@gmail.com, info.zhoghovurd@gmail.com

100 դրամ

Ո՞Վ Է ԿԱԼԱՆԱՎՈՐՎԱԾ ԳՈՐԾԱՐԱՐԸ



Հուլիսի 28-ին Հայաստանի սիմֆոնիկ նվագախմբի գլխավոր դիրիժոր Սերգեյ Սմբատյանն ու նրա հայրը՝ Նախկին դեսպան Արմեն Սմբատյանը, կալանավորվեցին: Երեկ էլ կալանավորվեց գործարար Արման Պետրոսյանը: Նրանք կասկածվում են պետությանը 966 մլն դրամի գույքային վնաս պատճառելու մեջ, թեև փաստաթուղթը Նշել էր 166 մլն կեղծ հիմքերով քրգործի մասին:

«Ժողովուրդ» օրաթերթի լավատեղյակ աղբյուրները փոխանցում են, որ գործարար Արման Պետրոսյանը կապի եւ տրանսպորտի նախկին նախարար Էդուարդ Մադաթյանի՝ Խուճուճ Էդոյի (հայտնի կառուցապատող) փեսան է:


Էդուարդ Մադաթյանին եւ նրա փեսային է փաստացի պատկանում Երևան քաղաքի կենտրոնում Պուշկինի 25 հասցեում վեր խոյացած բարձրահարկը, որը, բնակելի շենք լինելուց բացի, իր ներսում նաեւ ունի ռեստորանային համալիր, սրճարան եւ այլն: Գործարար Պետրոսյանն էլ բնակվում է հենց Պուշկինի այդ շենքի վերջին հարկում: Ըստ պաշտոնական տեղեկատվության՝ արտակարգ եւ լիազոր դեսպան Արմեն Սմբատյանը, նրա որդի, դիրիժոր Սերգեյ Սմբատյանը եւ գործարար Արման Պետրոսյանը 2012 թվականին Հայաստանի Հանրապետության կառավարությանը ներկայացրել են 800 մլն դրամ արժողության «Գրքի աշխարհ» բազմաֆունկցիոնալ համալիր կառուցելու կեղծ ներդրումային ծրագիր եւ խարդախությանը հափշտակել «Երեւանի Պ. Չայկովսկու անվան միջնակարգ երաժշտական դպրոց» ՊՈԱԿին անհատույց օգտագործման իրավունքով տրամադրված, Երեւանի Կողբացի 36 հասցեում գտնվող հողամասից առանձնացված 300 քմ մակերեսով, 166 մլն 103 հազար դրամ արժողությամբ հողամասը:

Նշենք, որ Արման Պետրոսյանի եղբայրը «օրենքով գող» Պզոյի՝ Արմեն Ղազարյանի փեսան է:

«Ժողովուրդ» օրաթերթի տեղեկություններով՝ ՀՀ նախագահ Վահագն Խաչատրյանը թեև ցանկանում է առավել ակտիվ գործունեությամբ զբաղվել, բայց չի ստացվում: Մեր տեղեկություններով՝ իր ցանկությունների մասին նա պարբերաբար բարձրաձայնել է իր հանդիպումների ժամանակ, ներդրել հաճախ իր հասցեին հնչող քննադատությունների համար, որ չի խառնվում ներքաղաքական հարցերին: Միեւնույն ժամանակ, նա իր աշխատակիցներին բացատրել է, որ չի կարողանա ակտիվանալ որպես ՀՀ նախագահ, քանի որ փոքր լիազորություններ ունի, եւ ցանկության դեպքում էլ բան չի կարող անել: Ամեն դեպքում, քանի որ իր շրջապատում եղել են կարծիքներ, տեսակետներ, թե նա մարդկանց աչքից ընկել է նախագահ դառնալուց հետո, քանի որ այլեւս ոչինչ չի անում, որոշել է ակտիվանալ եւ փորձել վերականգնել իր դրական իմիջը: «Ժողովուրդ» օրաթերթը փորձեց այս տեղեկությունները ճշտել Հանրապետության նախագահի աշխատակազմի հասարակայնության հետ կապերի վարչությունից, որտեղից մեզ հայտնեցին. «Հանրապետության նախագահն իր գործունեության մեջ առաջնորդվում է Հայաստանի Հանրապետության Սահմանադրությամբ եւ ամբողջ ծավալով իրականացնում է իր սահմանադրական լիազորությունները»:



Այսօր կալանավորված ՊՆ նախկին նախարար Դավիթ Տոնոյանը կգնա 2020 թվականի սեպտեմբերի 27-ին սանձազերծված ռազմական գործողությունների հանգամանքների ուսումնասիրման նպատակով ստեղծված ԱԺ քննիչ հանձնաժողով: «Ժողովուրդ» օրաթերթը տեղեկացավ, որ իշխող «Քաղաքացիական պայմանագիր» կուսակցության պատգամավորները «զենք-զրահով» պատրաստված սպասում են Տոնոյանին դիմավորելուն: Այսպիսով, մինչ ԱԺ քննիչ հանձնաժողովի այսօրվա նիստը ԲՊ-ականները մի քանի անգամ հավաքվել, նիստեր են արել ու անհրաժեշտ ցուցումներ ստացել: Ինչպես մեր ԲՊ-ական աղբյուրներն են փոխանցում, հրահանգներն իջեցվել են անմիջապես Նիկոլ Փաշինյանի կողմից. կարելի է ասել՝ հարցերը գրել, տվել են ԲՊ-ականներին, նրանց մնում է միայն կոշտ ու սուր տոնով դրանք ուղղել ՊՆ նախկին նախարարին: ԱԺ քննիչ հանձնաժողովի նախագահ Անդրանիկ Քոչարյանն էլ իր հերթին լավ նախապատրաստել է ԲՊ-ականներին, ասել է, որ հարցախեղդ անեն Դավիթ Տոնոյանին, կոշտ հարցեր ուղղեն նրան: Տեղեկացանք նաեւ, որ նիստի սկզբնամասը բաց է լինելու, իսկ մի մասն էլ՝ փակ, գաղտնի ռեժիմով:



«Ժողովուրդ» օրաթերթի բացառիկ տեղեկությունների համաձայն՝ դատարանը ազատ է արձակել արտաքին գործերի նախարար Արարատ Միրզոյանին ծեծի ենթարկելու դեպքով կալանավորված անձանցից մեկին. ո՞վ է նա: Ինչպես հայտնի է, ամիսներ առաջ ԱԱԾ-ն կալանավորել էր Արա Բաղդոյանին, եւ մեղադրանք էր առաջադրվել այն բանի համար, որ նա 2020 թվականի սեպտեմբերի 27-ին Ադրբեջանի Հանրապետության կողմից Արցախի Հանրապետության դեմ սանձազերծված պատերազմի եւ, դրանով պայմանավորված, նույն օրը ՀՀ-ում եւ Արցախի Հանրապետությունում հայտարարված ռազմական դրության պայմաններում 2020 թվականի նոյեմբերի 10-ին՝ պատերազմը դադարեցնելու եւ Արցախի Հանրապետության վերահսկողության ներքո գտնվող մի շարք տարածքներ Ադրբեջանի Հանրապետության վերահսկողության հանձնելու մասին Հայաստանի Հանրապետության, Ռուսաստանի Դաշնության եւ Ադրբեջանի Հանրապետության միջեւ ձեռք բերված համաձայնության վերաբերյալ հայտարարությունը զանգվածային լրատվամիջոցներում հրապարակվելու հետո, համացանցի միջոցով տեղեկանալով, որ մայրաքաղաք Երեւանում գտնվող ՀՀ կառավարության շենքի մոտ ամբոխ է հավաքել, եւ կատարվում են զանգվածային անկարգություններ, գնացել է Նշված վայր եւ միացել զանգվածային անկարգությունների մասնակիցներին, հարվածներ հասցրել արտաքին գործերի նախարար Արարատ Միրզոյանին: Բաղդոյանը չէր ընդունում մեղադրանքը եւ իրավապահներին հայտնել էր, որ այնտեղ գտնվել է, բայց չի հարվածել Արարատ Միրզոյանին: Եվ, ահա, այս գործը ուղարկվել էր դատարան. դատարանը 1 միլիոն դրամ գրավի դիմաց ազատ է արձակել ԱԳ նախարարին ծեծած անձին:



ԶՐՈՒՅՑ

ԴԱՎԻԹ ԲԱԲԱՅԱՆԸ՝ ԻՐԱՎԻՃԱՆԻ ՄԱՍԻՆ

Հուլիսի 29-ին ԿՄԽ ուղեկցությամբ, նախօրոք ադրբեջանական կողմի հետ ձեռք բերված համաձայնությամբ՝ Արցախից Հայաստան բուժառուցիկ սեղանափոխության շրջանում հասել է Հակաբի կամրջի մոտ սեղանափոխության անօրինական «անցակետ»։ Անձնագրեր ստուգելու ընթացքում Արցախի Հանրապետության Պատերազմի ընկալիչ, 1955թ. ծնված Վազիֆ Խաչատրյանն իր անձնագիրը ներկայացրել է ադրբեջանական սահմանադրական ծառայության ներկայացուցիչներին, որոնք այնուհետև անձնագիրը չեն վերադարձրել նրան։ Վազիֆ Խաչատրյանի դստեր և ԿԽՄԿ-ի ներկայացուցչի հարցին, թե ինչու չեն վերադարձնում անձնագիրը, ադրբեջանցիները պատասխանել են, որ 5 րոպեից կհամարեն։ Այդ ընթացքում Վազիֆ Խաչատրյանին ուղեկցել են ադրբեջանական անօրինական «անցակետում» սեղանափոխված բժշկական սենյակ, որտեղ նրան հարցեր են ուղղվում առողջության հետ կապված, հետաքրքրվել ՀՀ սեղանափոխվելու առողջական դասճանաչմանը։



յացուցչին ադրբեջանցիները հրելով դուրս են հանել մեքենայից։

Ռեպի առաջնությամբ, ինչպես նաև Արցախում առկա իրավիճակի մասին «Ժողովուրդ» օրաթերթը գրուցել է Արցախի Հանրապետության Նախագահի խորհրդակցական Դավիթ Բաբայանի հետ։

«Պարոն Բաբայան, Ադրբեջանի վերջին գործողության՝ քաղաքացուն բռնի կերպով տանելու և հանցավոր խումբ ստեղծելու և 1991թ. դեկտեմբերի 21-ին խոջալուի շրջանի Մեջալի գյուղի բնակիչների դեմ հանցագործություններին մասնակցելու համար մեղադրելու հետ կապված՝ ինչ վիճակ է այժմ։

Իրավիճակն անփոփոխ է, այնպիսին է, ինչպես ամեն օր նկարագրում ենք, ու գնալով ամեն բան ավելի է վատթարանում։ Իհարկե, այն, ինչ կատարվել է, պետական հաբեկցություն է միանշանակ։ Կարող եմ ասել, որ հայաադրբեջանական ամենավատ դրսևտորումներից մեկն է։ Իրեն այցելել են Կարմիր խաչի ներկայացուցիչները, եւ թե ինչ վիճակում պետք է որ լինի այդ մարդը այնտեղ, կարծում եմ բոլորս էլ շատ լավ գիտակցում ու հասկանում ենք։ Շատ լավ ենք տեսնում, թե ինչ է կատարվում, երբ ինչ-որ շինծու գործ են բերել, այդ մարդու գլխին կապել, իբրեւ թե ինչ-որ մեկն է 90-ականներից հայտնվել է մեղադրում է իրեն։

Սուտ է, գտնիկ ու զզվելի թատրոն է պարզապես։ Միջազգային հանրությունն էլ պայանծված է։ Փոխարեն ինչ-որ քայլերով Ադրբեջանին սաստեն, ինչ-որ պատժամիջոցներ կիրառեն նրա դեմ եւ այլն, պարզապես լռում են։

«Իսկ հանրահավաքները ինչ փուլում են, պարոն Բաբայան։

«Ես կարծում եմ, որ այդ ամենը պետք է լինի բացառապես պետական վերահսկողության ներքո։ Ես անթույլատրելի եմ համարում ցանկացած քայլ, որը կարող է իրավիճակը բարդացնել։ Միայն պետությունը կարող է եւ պետք է լինի նախաձեռնող այդ ամենի։

«Պարոն Բաբայան, բռնությունը այդպես էլ տեղ չհասան։ Ղեկավարները, իրենց առաքելությունը ավարտված համարելով, լքեցին ստրանքը։

«Իհարկե, այդպես է։ Դրանով իրենք փաստացի ցույց են տվել, որ ցանկացած նման նախաձեռնություն կարող են տապալել։ Ինչու՞. քանի որ միշտ իրենց նման լկտի պահվածքը հանդուրժել ենք, եւ իրենք էլ, իրենց նախը, գազի առկայության հիման վրա, ինչ ուզում, անում են, եւ Արեւմուտքն էլ փակում է աչքերը, խաղաղասպանները ի վիճակի չեն, աշխարհն էլ լռում է։ Այս ամենը պարզապես խայտառակություն է։

Զրուցեց Լիլյա Երիվանցյանը

ԲԱՐՁՐԱԶԱՅՆՈՒՄ ԵՆ ԳԱՏԱՎՈՐՆԵՐԸ

Դատավորները պատրաստվում են բոլորտի, իսկ թե բոլորտը ինչ կերպ կդրսետրվի, դատավորները դեռ թե՛ քննարկում են։ Բանն այն է, որ հուլիսի 19-ին դատավորների ընդհանուր ժողովի օրակարգը չհաստատվեց, նիստը հետաձգվեց։ Հաջորդ ժողովը նշանակվել է օգոստոսի 4-ին։ Իսկ ինչու էր նիստը հետաձգվել։ Բանն այն է, որ դատավորներն ընդհանուր ժողով էին հրավիրել՝ ընտրելու Բարձրագույն դատական խորհրդի անդամ դատավորի։ ԲԴԽ-ում դատավոր անդամի թափուր հաստիք էր առաջացել այն բանից հետո, երբ դատավոր Մեսրոպ Մակյանը հրաժարականի դիմում էր ներկայացրել։ ՀՀ բարձրագույն դատական խորհրդի կայքում առկա տեղեկության համաձայն՝ ԲԴԽ դատավոր անդամի թեկնածուներն են Արմավիրի մարզի ընդհանուր իրավասության դատարանի դատավոր Սուրեն Մույսանը եւ Լոռու մարզի ընդհանուր իրավասության դատարանի դատավոր Վարդուհի Հովսեփյանը։ ԲԴԽ անդամի ընտրության համար ծանուցագրեր են ստացել միայն մարզերի ընդհանուր իրավասության դատարանի դատավորները, թե՛ ԲԴԽ անդամ ընտրվելու չափանիշին համապատասխանում են նաեւ այլ դատավորներ։ Եւ, ահա, այս հանգամանքն էլ դատավորները բարձրաձայնեցին, ու օրակարգը չհաստատվեց, նիստը հետաձգվեց։ Տպավորություն էր, որ այս ամենից հետո ԲԴԽ Նախագահ Կարեն Մուրադյանը պետք է կազմակերպեր պատշաճ ծանուցում բոլոր այն դատարաններին ու դատավորներին, որոնք համապատասխանում են ԲԴԽ անդամ դառնալու չափանիշներին, սակայն իրավիճակը չի փոխվել։ Մեզ հասած տեղեկությունների համաձայն՝ ԲԴԽ Նախագահ Կարեն Մուրադյանը չի հանձնվում ու ծանուցել է միայն մարզերի դատավորներին։ Արդյունքում դատավորները որոշել են բոլորտել, իսկ թե ինչ կանեն, կհետեւենք զարգացումներին։ Հիշեցնենք, որ դատավորների ընդհանուր ժողովի ժամանակ ՀՀ վերաքննիչ քրեական դատարանի Նախագահ Մխիթար Պապոյանը դատավորների մոտ բարձրացրել է ԲԴԽ դատավոր անդամների հետ կանչելու հարցը եւ առաջարկել այն ընդգրկել ժողովի օրակարգում։ Դատավորների ընդհանուր ժողովում ներկա 187 դատավորներից 180-ը կողմ է քվեարկել Մխիթար Պապոյանի առաջարկին, սակայն անգամ այս հարցը Վճռաբեկ դատարանի Նախագահ Լիլյա Թադեւոսյանի թեթեւ ձեռքով օրակարգ չէր մտել, ուստի կոչվել դատական համակարգում առջնում է։

ՓԱՇԻՆՅԱՆԻ ԱՆԴՐԱԳԱՐՁԸ

Վարչապետ Նիկոլ Փաշինյանը հարցազրույց է տվել Euronews հեռուստաընկերությանը։ Այդ մասին հայտնում է վարչապետի մամուլի քարտուղար Նազելի Բաղդասարյանը։ Նա տեղեկացրել է, որ Նիկոլ Փաշինյանը խոսել է հումանիտար ճգնաժամի, գերիների ու պահվող անձանց վերադարձի, ինչպես նաեւ միջազգային մեխանիզմի ներքո Ստեփանակերտ-Բաքու երկխոսության անհրաժեշտության մասին։ «Հարցազրույցում վարչապետն անդրադարձել է Լաչինի միջանցքի ապօրինի արգելափակմանը՝ Նշելով, որ նոյեմբերի 9-ի եռակողմ հայտարարության 6-րդ կետով ամրագրված ռեժիմը պետք է վերականգնվի։ Հիշեցնելով ՄԱԿ-ի արդարադատության միջազգային դատարանի 2023թ. փետրվարի 22-ի եւ հուլիսի 6-ի որոշումների մասին՝ վարչապետը կրկին արձանագրել է, որ միջազգային բարձրագույն դատական ատյանի՝ իրավաբանական պարտադիր ուժ ունեցող որոշումներն Ադրբեջանի կողմից մինչ օրս չեն կատարվել», - գրել է Նազելի Բաղդասարյանը։

ԿԱՐԵՎՈՐ ԹԱԳՈՒՂԻ ԹՈՎՄԱՍՅԱՆԻ ԱՆԴՐԱԳԱՐՁԸ



Աժ մարդու իրավունքների պաշտպանության եւ հանրային հարցերի մշտական հանձնաժողովի՝ ապօրինաբար լիազորությունները դադարեցված Նախագահ, անկուսակցական պատգամավոր Թագուհի Թովմասյանը սոցցանցի իր էջում գրում է. «Նիկոլ Փաշինյանին անցանկալի, գուցե նվաստացնող հարցեր տալու համար լրագրողների նկատմամբ իրականացվող արշա-

վը, անձնական վիրավորանքներն ու թիրախավորումն անթույլատրելի են։

Լրագրողների իրավունքների պաշտպանությամբ զբաղվող մի շարք միջազգային կազմակերպությունների ահազանգել եմ խնդրի մասին։

Նախկին լրագրող Նիկոլ Փաշինյանն ինքն էլ պաշտոնյաներին անհարմար դրության մեջ դնող եւ նվաստացնող հարցեր է տվել նախկինում եւ պարտավոր էր պատրաստ լինել նրան, որ հատկապես հայրենիք հանձնելու իր շարունակական գործողություններից հետո իրեն կտրվեն միայն անցանկալի հարցեր»։

ԿՐՔԵՐԸ ՉԵՆ ՀԱՆԴԱՐՏՎՈՒՄ

Աժ «Քաղաքացիական պայմանագիր» խմբակցության պատգամավոր Գեորգ Պապոյանի հեղինակած «Հայաստանի Հանրապետության քաղաքացիական օրենսգրքում փոփոխություններ կատարելու մասին» օրենքի նախագծի շուրջ կրքերը չեն հանդարտվում։ Հիշեցնենք, որ նախագծով առաջարկում է հետեւյալը. բանկը, որից քաղաքացին առաջնային շուկայից իրարթեքային վարկով բնակարան է գնում, բնակարանի գնման իրավունքի համար վճարած

գումարն ամբողջությամբ չտրամադրի կառուցապատողին, դրա 25 տոկոսը փոխանցի, մնացած 75-ը վճարի, երբ բնակարանը կառուցվի եւ հանձնվի սեփականատիրոջը։

«Ժողովուրդ» օրաթերթը պարբերաբար դժգոհություններ էր ստանում կառուցապատմամբ զբաղվող ընկերություններից, որոնք պնդում են, որ այս նախագիծը մեծ վնաս է հասցնելու կառուցապատման ոլորտին. կառուցապատողները Նշում են, որ եթե գումար չստանան, չեն կարողանա աշխատանքը կատարել, նրանք մտադիր են մինչեւ անգամ բողոքի ակցիա կազմակերպել՝ ընդդեմ պատգամավորի հեղինակած նախագծի։

«Ժողովուրդ» օրաթերթի տեղեկություններով՝ բարձրացած մեծ աղմուկից հետո Գեորգ Պապոյանը հետ է կանչել իր նախագիծը։ Տեղեկությունը ճշտելու համար կապ հաստատեցինք պատգամավորի հետ։ Վերջինս Նշեց, որ նախագիծը հետ չի կանչել եւ նման մտադրություն էլ չունի։

«Նախագիծը հետ չեն կանչել, շուտով նաեւ կիրառարկվեն ինչ տեսքով եմ Աժ-ին առաջարկելու, որ երկրորդ ընթացքում բնդունի նախագիծը։ Նախագծում որոշ փոփոխություններ լինելու են, բայց նախագիծը հանելու մտադրություն չունեմ, անգամ նման քննարկում չի եղել», - ասաց նա։

Քրիստինա Սուրենյան

ԻՐԱՎԻՃԱԿ

ԱԿՆԿԱԼԻՔՆԵՐ

«ԲԱՑՈՒՄ»-Ը՝ ՄԱԿ-Ի ԴԻՄԱՑ

ՆԱՄԱԿ՝ ԿԻՄԿ-ԻՆ



ICRC

ԱԺ «Հայաստան» խմբակցությունն արդրեջանցիների կողմից արցախցի վազիֆ խաչատրյանի առեւանգման փաստի առթիվ նամակ է հղել Կարմիր խաչի միջազգային կոմիտեին, ինչպես նաև ՀՀ ԱԺ միջխորհրդարանական հանձնաժողովներին և միջազգային խորհրդարանական կազմակերպություններին: Այդ մասին «Ժողովուրդ» օրաթերթին հայտնում են խմբակցությունից:

Խմբակցության անունից ուղղված նամակում, դատապարտելով միջազգային մարդասիրական իրավունքի կոպիտ խախտումը և մարդկության հիմնարար սկզբունքների բացահայտ անտեսումը, նշվում է, որ նման արարքը ոչ միայն ոտնահարում է անմեղ մարդու իրավունքներն ու արժանապատվությունը, այլև խաթարում է Միջազգային Կարմիր խաչի կողմից մարդասիրական գործողություններին օժանդակելու գործում ներդրված ջանքերը:

Ակնհայտ է, որ այս արարքն ուղղված է ոչ միայն Լեռնային Ղարաբաղի խաղաղ բնակչության շրջանում հուսահատություն տարածմանը, այլև Կարմիր խաչի համբավն արատավորելուն և կարելու մարդասիրական առաքելության իրականացման խոչընդոտմանը:

Խմբակցությունը կոչ է անում Կարմիր խաչի միջազգային կոմիտեին անհապաղ և վճռական քայլեր ձեռնարկել՝ ապահովելու Վազիֆ խաչատրյանի անվտանգ և արագ վերադարձն իր ընտանիք և պատասխանատվության ենթարկել նրա առեւանգման պատասխանատուներին՝ համաձայն միջազգային իրավունքի:

«Հայաստան» խմբակցությունը նաև հորդորում է Կարմիր խաչի միջազգային կոմիտեին բազմապատկել իր ջանքերը՝ կանխելու Լեռնային Ղարաբաղում հումանիտար իրավիճակի հետագա վատթարացումը և տարածաշրջանում մարդասիրական իրավունքի ոտնահարման դեպքերը:

Ավելի վաղ հայտնել էինք, որ Արցախից Հայաստան տեղափոխվող բուժառուներից մեկին՝ 68-ամյա Վազիֆ խաչատրյանին, որը մեկնում էր Հայաստան վիրահատման, հուլիսի 29-ին առեւանգել են Ադրբեջանի սահմանապահ ծառայության ներկայացուցիչները: Ադրբեջանի զվխավոր դատախազությունը հայտարարել է, որ նա ձերբակալվել է: Վազիֆ խաչատրյանը, ըստ մեղադրանքի, իբր, հանցավոր խումբ է ստեղծել, որը 1991թ. դեկտեմբերի 21-ին մասնակցել է Խոջալուի շրջանի Մեշալի գյուղի բնակիչների դեմ հանցագործություններին:

«Բացում» նախաձեռնությունը ակնկալում է, որ ՄԱԿ գրույթում ավստրե-նացիները Ադրբեջանի կողմից արցախական Լեռնային Ղարաբաղ կիսաանկախ իրենց հավաքած հումանիտար բեռը՝ դարձնելով: ՄԱԿ-ի երեսնյան գրասենյակի դիմաց հրավիրված ասուլիսում այս մասին ասացին նախաձեռնության անդամները:

«Բացում» նախաձեռնության մասնակիցները տարբեր քաղաքական հայացքներով մարդիկ են, որոնք կարողացել են համատեղ 3 նպատակ մշակել:

«Առաջինն է բացել Բերձորի (Լաչինի) միջանցքը, երկրորդը՝ ապահովել անվտանգություն, այդ միջանցքի անարգել ու անժամկետ օգտագործում, որով Հայաստանի և Արցախի միջև բեռնափոխադրում կլինի: Երրորդը՝ դուրս ենք ելել պայքարի Արցախի մեր հայրենակիցների իրավունքների համար, որոնք հայտնվել են հումանիտար աղետի շեմին: Այստեղ հավաքվելով՝ մենք ամենօրյա ռեժիմով ցույց ենք տալիս, որ 24 ժամ շարունակ կանգնած ենք Արցախի կողքին»,-ասաց «Բացում» նախաձեռնության անդամ Նարեկ Այվազյանը:

Նա հայտնեց՝ նախաձեռնությունը հումանիտար բեռներ է հավաքել, որոնք փոխանցելու են ՄԱԿ-ին՝ ակնկալելով, որ Լաչինի միջանցքով դրանք տեղափոխվեն Արցախ: Սկսել են հավաքել հուլիսի 19-ից, արդեն տասնյակ տոննա հումանիտար բեռ են հավաքել: Նարեկ Այվազյանը վստահեցրեց՝ ՄԱԿ-ի գրասենյակն ամեն օր հարցնում է իրենց հավաքած հումանիտար բեռների մասին, ուշիուշով հետեւում են ու տեղեկատվությունը փոխանցում ՄԱԿ-ի գլխամաս:

Նախաձեռնության մասնակիցները հուլիսի 31-ին՝ ժամը 11:00-12:00-ն, փակելով ՄԱԿ-ի գրասենյակի մուտքը, իրենց բողոքի ձայն են բարձրացրել, որ իրենց խոսքը հասնի ՄԱԿ-ի կենտրոնակայան:

«Այս ապատիկ ու դժգույն իրավիճակում մեր մեջ հույս կա, որ իրավիճակի վրա կարող են ազդել ավելի ազդեցիկ կառույցները, ինչպիսին ՄԱԿ-ն է»,-ասաց Այվազյանը:



Նախաձեռնության անդամներից մյուսն էլ շեշտեց՝ ՄԱԿ-ը առաջնային մանդատ ունեցող միջազգային կազմակերպություն է, որն ամենաշատ անդամ պետություններն ունի: Ունի բազմաթիվ հոչակագրեր, կոնվենցիաներ, որոնք աշխարհի յուրաքանչյուր կետում երաշխավորում են մարդու կյանքի իրավունքը, առողջ ու արժանապատիվ ապրելու, ազատ տեղաշարժվելու իրավունքը: ՄԱԿ-ն ունի նաև պարենի համաշխարհային ծրագիր, որով տասնյակ տարիների ընթացքում աշխարհի ամենաթեժ կետերում պարեն են հասցրել: Բացի այդ, ունի Հազարամյա միջազգային դատարանը, որը որոշում է կայացրել, որ Լաչինի միջանցքը պետք է բացվի:

«Մեր քաղաքացիական ճնշման ամբողջ նպատակն այն է, որ, բացի տեղյակ լինելուց, պետք է նաև գործել: Տեղյակ լինելը դեռ բավարար պայման չէ, իսկ գործելու համար պետք է ճնշում լինի, թեկուզ ստիպողաբար, որ մեխանիզմներն աշխատեն: Սա մեր կողմից միայն պարենի

հավաքագրում չէ, այս շարժմամբ փորձում ենք միջազգային մեխանիզմներն աշխատեցնելու օրակարգ ձեռնարկել և հստակ հասկացնել, որ եթե ունեք սպիտակ թղթի վրա սեւով գրված հոչակագրեր կամ նպատակներ՝ մարդու իրավունքների մասով, և դրանք չեն իրականացվում, ապա մենք՝ Հայաստանի քաղաքացիներս, լեզուսով իրավունք ենք ստանում, որ ձեզ հուշենք, ճնշում գործադրենք, որ այդ թղթի վրա գրված նպատակները, հոչակագրերը կյանքի կոչվեն»,-ասաց անդամներից մեկը:

Այսպիսով, ըստ նախաձեռնության անդամների՝ սա միջազգային կազմակերպությունների մեխանիզմներն աշխատեցնելու օրակարգ գեներացնելու շարժում է: Նրանք համարում են, որ եթե գեթ մեկ անգամ հումանիտար բեռով բարձրած ավտոմեքենա (որի վրա գրված կլինի ՄԱԿ) մտնի Արցախ Լաչինի միջանցքով, ապա դա կդառնա նախադեպ, ու միջանցքն արդեն կգործարկվի:

ՕՐՎԱ ԽՃԱՆԿԱՐ

ՆՈՐ ԱՎՏՈՒՄՆԵՐ

Օգոստոսի 1-ից Երեւանում կգործարկվի ավտոբուսային երթուղիների հերթական խմբաքանակը:

Հասարակական տրանսպորտի բարեփոխումների շրջանակում «Գազել» մակնիշի հին միկրոավտոբուսները փոխարինվում են նոր ավտոբուսներով:

ՔԱՐՈԶԱՐԸԱՎԻ ԺԱՄԱՆԱԿԱՑՈՒՅՑԸ

Երեւանի ավագանու ընտրությունների նախընտրական քարոզչությունը կմեկնարկի օգոստոսի 23-ից և կտեւի մինչև սեպտեմբերի 15-ը՝ ժամը 24:00-ն: ԿԸՀ-ն հրապարակել է գործընթացի ժամանակացույցը:

Կուսակցությունները, կուսակցությունների դաշինքները գրանցման համար ԿԸՀ անհրաժեշտ փաստաթղթերը պետք է ներկայացնեն օգոստոսի 3-ից մինչև օգոստոսի 13-ը: Կուսակցությունների, կուսակցությունների դաշինքների ընտրական ցուցակների գրանցումը տեղի է ունենալու օգոստոսի 13-ից օգոստոսի 18-

ՎՈՒՍԱԿԵՐՈՒՄՆԵՐԻ, ԿՈՍԱԿԵՐՈՒՄՆԵՐԻ ԴԱՉԻՆՔՆԵՐԻ ԸՆՏՐԱԿԱՆ ԳՈՍԿԱԿՆԵՐՈՒՄ ԸՆԴՈՐԿՎԱԾ ԹԵՆԿԱԾՈՒՆԵՐԸ, ԻՆՉՊԵՍ ՆԱԵՒ ԿՈՍԱԿԵՐՈՒՄՆԵՐԸ, ԿՈՍԱԿԵՐՈՒՄՆԵՐԻ ԴԱՉԻՆՔՆԵՐՈՒՄ ԸՆԴՈՐԿՎԱԾ ԿՈՍԱԿԵՐՈՒՄՆԵՐՆ ԻՐԵՆԵՑ ԳՈՅՔԻ ԵՒ ԵԿԱՄՈՒՆՆԵՐԻ ԽԱՅՏԱՐԱՐԱԳՐԵՐԸ ԿԸՀ ԵՆ ՆԵՐԿԱՅԱԿՆԵՐԸ ՄԻՆՃԵՒ օգոստոսի 23-ը:

Երեւանի ավագանու ընտրությունները կկայանան սեպտեմբերի 17-ին:

խի նախագահ Արայիկ Հարությունյանին էր ներկայացրել պաշտոնից իր հրաժարականի պատճառները:

ՄԻՋԱՆՅՔԸ ՀԱՄԱՐԵՑ ԱԴԻԲԵՋԱՆԻՆԸ

Թուրքիան կողմ է, որպեսզի շտապ խաղաղության համաձայնագիր կնքվի Ադրբեջանի և Հայաստանի միջև:

«Այստեղ կարծում են, որ դա թույլ կտա կայունություն ապահովել իրենց շրջապատող տարածաշրջանում»,- տեղեկացրել է Թուրքիայի արտաքին գործերի նախարար Հաքան Ֆիդանը Անկարայում արդրեջանցի գործընկերոջ՝ Ջեյհուն Բայրամովի հետ բանակցություններից հետո: Հեռաբանակցում վարել է TRT հեռուստաալիքը:

Նա Լաչինի միջանցքն անվանել է Ադրբեջանի տարածք՝ նշելով, որ Բաքվում իրավունք ունեն ձեռնարկել բոլոր միջոցները, որոնք այնտեղ անհրաժեշտ են համարում ապահովելու համար իրենց անվտանգությունն ու ինքնիշխան իրավունքների պաշտպանությունը:

ՀՐԱԺԱՐԱԿԱՆ Է ՏՎԵԼ

Արցախի Հանրապետության ազգային ժողովի նախագահ Արթուր Թովմասյանը հրաժարական է տվել:

Այս մասին «Ժողովուրդ» օրաթերթին հայտնում են Արցախի ազգային ժողովից: «Ղեկավարվելով «Ազգային ժողովի կանոնակարգ» օրենքի 130-րդ հոդվածի 1-ին մասի 2-րդ կետով՝ տալիս եմ հրաժարական Արցախի Հանրապետության Ազգային ժողովի նախագահի պաշտոնից»,- հայտարարել է Թովմասյանը:

Հրաժարականի մտադրության մասին Թովմասյանը հայտնել էր դեռ հուլիսի 28-ին: Նույն օրը Արթուր Թովմասյանը Արցա-

ԻՐԱՎԱԿԱՆ

ԹՄՐԱՆՅՈՒԹ

ՆԱԽԿԻՆ ՊԱՏԳԱՄԱՎՈՐՆ ՈՒ ՄԿԱՆԻԱԼԱՅԻՆ ՈՐԳԻՆԵՐԸ

Աժ նախկին դասգամավոր, ոստիկանության նախկին բարձրաստիճանի դասգամային Նվեր Չախոյանի որդիները հերթական անգամ քննադատվել են: Երեկ shamshyan.com-ը գրել էր, որ ՊՃ Կոստյա-ֆի մարզի գումարսակի հրամանատար Արսյոն Մահակյանի, գումարսակի հրամանատարի տեղակալ Լեոն Բաղդասարյանի, գումարսակի ծառայության ժողովի Կարեն Բաղդասարյանի և նույն գումարսակի 1-ին վազի հրամանատար Վահագն Կարապետյանի գլխավորությամբ իրականացվում է «Ոսկե երիտասարդները չղեկ է մարտն քննադատները» օդերային:



«Tamacorp» գրառմամբ դեղահար, իսկ Մեյրոյանը հայտարարել է, որ ավտոմեքենայում առկա պայուսակի մեջ ունի կանտինային գանգված, որը նախատեսված է իր անձնական օգտագործման համար՝ որպես թմրամիջոց:

Դեպքի փաստով Ոստիկանության 3րդ գումարսակի բաժնում կազմվել են փաստաթղթեր, որոնք Ն. Մեյրոյանի, Ա. Չախոյանի և Ռ. Գալստյանի հետ ներկայացվել են Հայաստանի Քննչական կոմիտեի Կոստյաֆի մարզային քննչական վարչության, որտեղ դեպքի փաստով նախաձեռնվել է քրեական վարույթ՝ ՀՀ քր. օր. հ 396 հոդվածի 1 մասի հատկանիշներով: Ն. Մեյրոյանը, քննիչի որոշմամբ, ձերբակալվել է, Ա. Չախոյանն ու Ռ. Գալստյանը բաց են թողնվել:

Գ. Շամշյանի տեղեկություններով՝ Ա. Չախոյանը Աժ նախկին պատգամավոր, քրեական պատմություններով հայտնի Նվեր Չախոյանի որդին է: Նկատելով, որ նախկին պատգամավորի որդին առաջին անգամ չէ, որ հայտնվում է իրավապահների տեսադաշտում. դեռևս

2013 թվականին «Ժողովուրդ» օրաթերթը գրել էր, որ մարտի 15-ին ոստիկանության Երեան քաղաքի վարչության քրեական հետախուզության բաժնի աշխատակիցները թմրանյութ պահելու և օգտագործելու կասկածանքով ոստիկանություն են բերման ենթարկել 2 երիտասարդի:

Ժամը 22:30-ի սահմաններում Թումանյան փողոցի 2-րդ անցուղի թիվ 5 շենքի մոտ քրեական հետախուզության աշխատակիցները կասկածանքով զննել են «Մերսեդես Բենս 450» մակնիշի, 008 ՈՈ 02 համարանիշի ավտոմեքենան: Ավտոմեքենայում հայտնաբերվել է պոլիէթիլենային փաթեթ՝ 06 գրամ դեղնականաչավուն գանգվածով, և մեկ կաթոցից:

Նշված ավտոմեքենայում է եղել Ազգային ժողովի նախկին պատգամավոր, ոստիկանության նախկին բարձրաստիճանի պաշտոնյա Նվեր Չախոյանի տղան՝ 22-ամյա Նարեկ Չախոյանը, և Երեան քաղաքի ավագանու անդամ, ճըվճըվ Արո մականվամբ Արա Վարդանյանի տղան՝ 21-ամյա Սարգիս Վարդանյանը:

Ք.Ս.

ՈՒՇԱԳՐԱԿ

ԿՆԵՐԿԱՅԱՆԱ ՔՆՆԻՉ

ՀԱՆՁՆԱԺՈՂՈՎ

Օգոստոսի 1-ին՝ ժամը 11:00-ին, Աժում տեղի կունենա 2020 թվականի սեպտեմբերի 27-ին սանձագործված ռազմական գործողությունների հանգամանքների ուսումնասիրման նպատակով ստեղծված Աժ քննիչ հանձնաժողովի նիստը: Հիշեցնենք, որ հանձնաժողովի նիստին մասնակցելու է նաև կալանավորված նախկին պաշտպանության նախարար Դավիթ Տոնոյանը: ՊՆ նախկին նախարարը գալու է հենց հանձնաժողով, նրան քրեակատարողական հիմնարկից ուղեկցելու են Ազգային ժողով: Հանձնաժողովի նիստը շարունակվելու է նաև օգոստոսի 2-ին:

ՔՐԻՍՏԻՆԱ ՍՈՒՇԵՐՅԱՆ

ՄԻՋԱԶԳԱՅԻՆ ԱՐԱՔԵԿՉՈՒԹՅՈՒՆ

Ադրբեջանի Հանրապետության ռազմաքաղաքական դեկավարությունը միջազգային բարդություններ հրահրելու, ԱՀ ներքին վիճակն ապակայունացնելու նպատակով խախտել է 2020 թ. Նոյեմբերի 9-ին Հայաստանի Հանրապետության վարչապետի, Ադրբեջանի Հանրապետության և Ռուսաստանի Դաշնության նախագահների միջև կնքված եռակողմ հայտարարության 6-րդ կետի պահանջները, ըստ որի՝ Ադրբեջանը երաշխավորում է երկու ուղղություններով քաղաքացիների, տրանսպորտային միջոցների և ապրանքների երթևեկության անվտանգությունը Լաչինի միջանցքով: Այս մասին հաղորդագրություն է տարածել ԱՀ դատախազությունը:

«Այնուհետև, անտեսելով և չկատարելով ՄԱԿ-ի Հաագայի Արդարադատության միջազգային դատարանի ռասայական խտրականության բոլոր ձևերի վերացման մասին միջազգային կոնվենցիայի շրջանակներում 2023 թվականի փետրվարի 22-ի որոշումը՝ Լաչինի միջանցքի ապաշրջափակման վերաբերյալ, որը վերահաստատվել է նույն դատարանի 06.07.2023թ. որոշմամբ, 2023 թ. հունիսի 15-ից ամբողջովին արգելափակել է Լաչինի միջանցքը՝ թույլ չտալով կենսական ապրանքների, դեղորայքի, մանրամասերի և այլ անհրաժեշտ ապրանքների, այդ թվում՝ 2023 թ. հուլիսի 27-ին ՀՀ-ից ուղարկված շուրջ 400 տոննա մարդասիրական բեռների մուտքը Արցախի Հանրապետություն, այդպիսով Արցախի Հանրապետության տարածքում կազմակերպել և իրականացրել է այլ գործողություններ, որոնք ուղղված են Արցախի Հանրապետության հայ բնակչությանը ոչնչացնելուն, որն էլ առաջացրել է Արցախի Հանրապետության Մարտակերտ քաղաքում մանկահասակ երեխաների մահ, ինչպես նաև մանկածնության խոչընդոտներ և այլ ծանր հետեանքներ:

Նկարագրված դեպքի առթիվ 28.07.2023թ. հարուցվել է քրեական գործ՝ Արցախի Հանրապետության քրեական օրենսգրքի 415-րդ հոդվածի 1-ին մասով (Միջազգային ահաբեկչությունը) նախատեսված հանցագործության հատկանիշներով: Գործի միջնադատական քրեական վարույթի օրինականության նկատմամբ հսկողությունը և դատավարական դեկավարումն իրականացնում է Արցախի Հանրապետության գլխավոր դատախազության մարդու դեմ ուղղված և ընդհանուր բնույթի հանցագործությունների գործերով բաժինը»,- ասված է հաղորդագրության մեջ:

ՄԱՆՐԱՄԱՍՆԵՐ

ԿՐԱԿՈՑՆԵՐՆ ՈՒ ԱԱԾ ՔՆՆԻՉԸ

«Ժողովուրդ» օրաթերթին հայցնի դարձավ, որ դասարանը կալանավորել է ԱԱԾ քննիչ Սերգեյ Անտոնյանի սան ուղղությամբ կրակոցներ արձակած Ռ.Վ. Բաղդասարյանը:

«Ժողովուրդ» օրաթերթին մանրամասներ են հայտնի դարձել հուլիսի 22-ին Երեանում հնչած կրակոցներից: Մասնավորապես, մեզ հասած տեղեկությունների համաձայն՝ վերոնշյալ օրը Քաջազանուի փողոցի 5-րդ շենքի բակում կրակոցներ են հնչել, և իրավապահները կրակված պարկուճն ու գնդակը հայտնաբերել են ԱԱԾ քննիչ Սերգեյ Անտոնյանի բնակարանում: Ի դեպ, մեզ հասած լուրերի համաձայն՝ հենց ԱԱԾ քննիչ Անտոնյանն էլ իրավապահներին ահագանգել է ու հայտնել է կատարվածի մասին: Այս իրավիճակում հարց է առաջանում՝ կոնկրետ կրակոցներն ուղղված են եղել ԱԱԾ քննիչի դեմ, թե կատարվածը պատահականություն է, կամ միզուցե կոնկրետ մարդիկ քննիչին բան են ցանկացել հասկացնել, հուսանք՝ այս հարցերի պատասխանը կտա տարվող քննությունը:

Նշենք, որ Shamshyan.com-ը գրել էր, որ հուլիսի 22-ին Ոստիկանության կենտրո-

նական բաժնի քրեական հետախուզության բաժնում ներքին օպերատիվ տեղեկություններ էին ստացվել, որ այդ օրը՝ 08:50-ի սահմաններում, անհայտ անձը դեռևս չպարզված ատրճանակից կրակոց է արձակել Քաջազանուի փողոցի շենքերից մեկի բակում, որի հետեանքով վնասվել է այդ շենքի բնակարաններից մեկի հյուրասենյակի առաստաղը:

Գ. Շամշյանը տեղեկություններով՝ նշված հասցե են ժամանել Ոստիկանության Երեան քաղաքի վարչության, Ոստիկանության կենտրոնական բաժնի օպերատիվ խմբերը:

Ժամանել են նաև Հայաստանի քննչական կոմիտեի Երեան քաղաքի քննչական վարչության 3-րդ քննչական բաժնի խումբը՝ բաժնի պետ Կիրակոսյանի և ավագ քննիչ Ժամկոչյանի գլխավորությամբ:

Ոստիկաններն ու քննիչները նշված բնակարանում հայտնաբերել են կրակված պարկուճ և գնդակ: Նույն օրը դեպքի փաստով քննչական բաժնում նախաձեռնվել է քրեական վարույթ:

Գ. Շամշյանի տեղեկություններով՝ մի քանի օր շարունակ ոստիկանները, իրականացնելով հսկայածավալ օպերատիվ

հետախուզական միջոցառումներ, դուրս են գալիս ճիշտ հետքի վրա, և քիչ առաջ Երեանում հայտնաբերվում է Mercedes G մակնիշի 33 GG 300 համարանիշի ավտոմեքենան, ու ապօրինի զենք-զինամթերք պահելու, օգտագործելու և խուլիգանություն կատարելու հիմնավոր կասկածանքով, «յաշիկով» հանդերձ, ոստիկանության Կենտրոնական բաժնի են տեղափոխում 2 հոգու:

Ավտոմեքենան տեղափոխվում է Ոստիկանության կենտրոնական բաժնի պահպանվող հատուկ տարածք, իսկ բերման ենթարկվածներից մեկի մոտ հայտնաբերվում է «Մակարով» տեսակի մարտական ատրճանակ:

Բերման ենթարկվածները, ատրճանակով հանդերձ, ներկայացվում են Երեան քաղաքի Կենտրոն և Նորք-Մարաշ վարչական շրջանների 3-րդ քննչական բաժնի: Ֆոտոլրագրողի տեղեկություններով՝ կրակոց արձակողը Ռուսաստանի Դաշնության քաղաքացի 20-ամյա Միխայիլ Մ.-ն է, իսկ ավտոմեքենան պատկանում է Երեանի բնակիչ 25-ամյա Ս.Մ.-ին: Արդյոք վերջինս կրակոց արձակելու պահին եղել է ավտոմեքենայում թե ոչ՝ պարզվում է:

ՔՆՆՈՒ ՄԱՆՈՒԿՅԱՆ

● Ըստ ոստիկանության տվյալների՝ հուլիսի 28-ից 31-ը Հայաստանի Հանրապետությունում բացահայտվել է հանցագործության 134 դեպք, որոնցից 2-ը՝ նախկինում կատարված:

ԱՃՈՒՐԴ

«ԿՈՆՎԵՐՍ ԲԱՆԿ»

ԱՆԴՐԱԳԱՐՁ՝ ԿԱՐԵՎՈՐ ՀԱՐՑԵՐԻՆ

Աճուրդի առաջին փուլը կայանալու է 17 օգոստոսի 2023 թվականին, ժամը 12:00-ին, 33, քաղաք Երեւան, Սայաթ-Նովա պողոտա, 40 շենք, 82/31 հասցեում, այսուհետեւ, կայացվող աճուրդի յուրաքանչյուր հերթական փուլը կանցկացվի յուրաքանչյուր հաջորդ աշխատանքային օրը, Նույն վայրում, Նույն ժամին:

Աճուրդի կազմակերպիչն է «Բի Էս Թի» ՍՊԸ-ն (այսուհետ՝ Կազմակերպիչ), որն իրականացնելու է հետեւյալ լոտի (այսուհետ՝ Լոտ) բաց աճուրդ «հոլանդական» եղանակով:

Աճուրդի պայմաններն են. Լոտ՝ 33, քաղաք Երեւան, Ավան, Աճառյան փողոց, 39/25 հասցեում գտնվող 72,4 ք.մ. նախագծային բնակարան (1-ին մասնաշենք, թիվ 123): Գրավի առարկա է հանդիսանում 72,4 ք.մ. մակերեսով բնակարանի գնման իրավունքի գրավը:

Լոտի մեկարկային գինը՝ 35300000 (երեսուհինգ միլիոն երեք հարյուր հազար) 33 դրամ, Միջնորդավճար՝ Լոտի ձեռքբերման գնի 1 տոկոսի չափով (այսուհետ՝ Միջնորդավճար), Լոտը գրավադրված է:

Աճուրդին մասնակցելու համար անհրաժեշտ է ներկայացնել հետեւյալ փաստաթղթերը.

Ֆիզիկական անձի դեպքում՝ անձը հաստատող փաստաթուղթ է Կազմակերպիչ կողմից տրված մասնակցի վկայական (այսուհետ՝ մասնակցի վկայական), որը հաստատելու է նաեւ նախավճարի մուծման փաստը,

իրավաբանական անձի դեպքում՝ կանոնադրությունը, իրավաբանական անձանց պետական գրանցման վկայականը, պաշտոնատար անձի եւ կամ ներկայացուցչի անձը հաստատող փաստաթուղթ է լիազորությունները հաստատող փաստաթուղթը, մասնակցի վկայականը:

Աճուրդում հաղթող է ճանաչվում այն անձը, ով աճուրդավարի մուրճիկի 3 (երեք) հարվածից առաջ առաջարկել է ամենաբարձր գինը: Աճուրդում հաղթող ճանաչված մասնակցից Լոտի գինը եւ Միջնորդավճարը վճարում է աճուրդի կայացման օրվան հաջորդող 2 (երկու) աշխատանքային օրվա ընթացքում՝ հաշվանցելով մուծված նախավճարի գումարը: Սահմանված ժամկետում գնորդի կողմից վճարումներ չկատարելու դեպքում Կազմակերպիչը կարող է աճուրդի արդյունքները համարել չեղյալ: Կարող են սահմանվել Լոտի գնի վճարման այլ ժամկետներ եւ չափաբաժիններ՝ վաճառողի եւ գնորդի կողմից համապատասխան փոխհամաձայնությամբ:

Աճուրդի մասնակցության նախավճարը կազմում է Լոտի ընթացիկ մեկարկային գնի 1 (մեկ) տոկոսը, որի վճարման վերջնաժամկետը յուրաքանչյուր աճուրդի փուլի օրվան նախորդող աշխատանքային օրվա ժամը 16:00-ն է: Նախավճարը վճարվում է անկանխիկ՝ հետեւյալ հաշվառման համարին՝ 2470103374150000, կամ Կազմակերպիչի կողմից տրամադրված այլ հաշվառման համարին, իսկ 33 օրենսդրությամբ սահմանված կանխիկի շեղման չգերազանցելու դեպքում այն կարող է նաեւ վճարվել կանխիկ եղանակով աճուրդի կայացման հասցեում՝ Կազմակերպիչի դրամարկը: Հարկային գործակալ հանդիսանալու դեպքում աճուրդում հաղթած մասնակցի կողմից լոտի գնի վճարելու կարգը սահմանվում է վաճառողի հետ՝ փոխհամաձայնեցված ժամկետներում:

Լոտին կարող էք ծանոթանալ սույն ծանուցման օրվան հաջորդող օրվանից մինչեւ աճուրդի բացմանը նախորդող օրը՝ յուրաքանչյուր աշխատանքային օր, ժամը 10:00-ից մինչեւ 18:00-ն՝ զանգահարելով ստորեւ նշված հեռախոսահամարին եւ այցելությունը նախապես համաձայնեցնելով Կազմակերպիչի հետ: Աճուրդի կանոնակարգին ծանոթանալու եւ վերջինիս պատճենն անվճար ստանալու համար դիմել Կազմակերպիչին՝ ստորեւ նշված հասցե:

Կազմակերպիչը կարող է կատարել սույն ծանուցման փոփոխություններ եւ լրացումներ, որոնք կարող են իրականացվել այնպես, ինչպես կատարվել է աճուրդի մասին իրապարակային ծանուցումը: Բոլոր այլ տեղեկությունների համար կարող էք զանգահարել ստորեւ նշված հեռախոսահամարին կամ այցելել ստորեւ նշված կայքերը:

Էլ. փոստ՝ llcbst@yahoo.com
հասցե՝ ք. Երեւան, Սայաթ-Նովա պողոտա, 40 շենք, 82/31
հեռ.՝ +374 11 56 45 13
կայք՝ www.llcbst.am, www.borsa.am

ՀԱՅՏԱՐԱՐՈՒԹՅՈՒՆ

Կորել են 33 տրանսպորտի եւ կապի նախարարության կողմից Ա/2 Արթուր Յուսեփյանին տրամադրված ՏՃՈ5357 լիցենզիայի 00001,00002,00004,00006,00015,00017,00022 եւ 00026 համարի ներդիրները:

Հայաստանում Ամերիկայի առևտրի դպրատնի AmCham բիզնես ամսագրին սված հարցազրույցում «Կոնվերս բանկ»-ի գլխավոր գործադիր տնօրեն Անդրանիկ Գրիգորյանն անդրադարձել է մի քանի կարևոր հարցերի, այդ թվում՝ բանկային համակարգից հաճախորդների ակնկալիքներին, բնակային ֆինանսական ծառայությունների զարգացմանը, ինչպես նաև «Կոնվերս բանկ»-ի թվային գործիքակազմին վերաբերող հարցերի: Զեզ ենք ներկայացնում դարձն Անդրանիկ Գրիգորյանի հարցազրույցն ամբողջությամբ:

-Կառավարման ինչպիսի՞ որակներ եւ հմտություններ են նախատել Ձեր եւ «Կոնվերս բանկ»-ի հաջողությանը:

-«Կոնվերս բանկ»-ի գլխավոր գործադիր տնօրենի պաշտոնը ստանձնեցի բավականին հետաքրքիր ժամանակահատվածում, երբ ֆինանսական համակարգը բախվում էր նոր մարտահրավերների: Միաժամանակ դա մի շրջան էր, երբ ռիսկերի զսպմանը միտված հավասարակշռված գործելանոցը պիտի զուգակցվեր ծառայությունների թվայնացմանը, նոր պրոդուկտների ու առաջարկների ներդրմանն ուղղված համարձակ քայլերով: Կարծում եմ հաջողությամբ սկսել ենք այդ շրջանը, ինչի պայացույցն են թե՛ բանկի նոր առաջարկները, իմաստակալում թվային տիրույթում, թե՛ գրանցված արդյունքները:

-Ի՞նչ հմտությունների պետք է տիրապետել անձնական եւ աշխատանքային կյանքի միջև հավասարակշռությունը պահպանելու համար՝ հաշվի առնելով Ձեր պատասխանատվության լայն շրջանակը՝ որպես «Կոնվերս Բանկ»-ի գլխավոր գործադիր տնօրենի:

-Ճիշտ բաշխել ու կառավարել ժամանակը, ունենալ մասնագետների, համախոհների թիմ՝ որոշումների ընդունման պատվիրակված իրավունքով: Ես թվարկեցի մի քանի գործեր, որոնք շնորհիվ աշխատանք-անձնական կյանք կոնֆլիկտ չեն ունեցել:

-Նոր՝ թվային դարաշրջանում «Կոնվերս բանկ»-ը հայտնի է իր նորարար լուծումներով եւ հաճախորդների համար գործարկած հարմարվետ թվային հարթակներով: Կայսրվե՞ք այն իմաստական թվային նախաձեռնությունների մասին, որոնցով «Կոնվերս բանկ»-ն առանձնանում է իր մրցակիցներից:

-Թվայնացումը պահանջարկ է հաճախորդի պահանջն է տարբեր ոլորտների ընկերություններից, այդ թվում՝ բանկերից՝ ստեղծելու եւ ներդրելու թվային գործիքներ, որոնք կհետազոտեն կյանքը, կօգնեն առանց հավելյալ ջանքերի ստանալ որակյալ ֆինանսական, բանկային ծառայություններ: Մյուս կողմից՝ որքանով շատ են օգտվում թվային գործիքներից, որքան ավելի շատ են զգում դրանց կիրառման հարմարվետությունը, այնքան մեծանում է պահանջարկը նոր թվային լուծումների նկատմամբ: Քիչ պատմական անդրադարձ անեմ. «Կոնվերս բանկ»-ը Հայաստանում առաջինն է ներդրել Սոբայլ հավելվածը, ինչը ոչ միայն նպաստեց բանկի համապատասխան իմիջի ձեւավորմանը, այլեւ պարտավորեցրեց զարգանալ, լինել մի քայլ առաջ: Այսօր մենք ծառայություններ ենք մատուցում մի քանի թվային հարթակում: Բանկի Սոբայլ հավելվածը ֆունկցիոնալ տեսանկյունից լավագույններից է եւ, բացի արդեն սովորական դարձած գործառնու-



թյունների ապահովումը, հաճախորդին հնարավորություն է տալիս վերահսկել կենսաթոշակային հաշիվը, կառավարել բաժանորդագրությունները Visa stop payment համակարգի միջոցով, գնել պարտատոմս. ի դեպ, ոչ միայն գնել, այլեւ դառնալ պարտատոմսի սեփականատեր՝ առանց բանկ այցելելու: Մեր ներդրված լուծման շնորհիվ անգամ դեպոզիտար հաշիվը բացվում է հավելվածի միջոցով հայտի լրացմամբ:

Այսօր մենք աշխատում ենք այլ գործիքների, թվային լուծումների մշակման ուղղությամբ, որոնք, կարծում եմ, կօգնեն անգամ ամենախստապահանջ հաճախորդներին:

-Թվային դարաշրջանը բիզնեսին կորպորատիվ հաճախորդների փորձառությունը մեծացնելու լայն հնարավորություններ է ընձեռում: Ինչպե՞ս է «Կոնվերս բանկ»-ն օգտագործում այդ հնարավորությունները հաճախորդների գոհունակության եւ ներառականության մակարդակը բարձրացնելու համար:

-Բիզնես հաճախորդների համար ֆինանսների կառավարման եւ ֆինանսական գործառնությունների իրականացման հարմարավետ միջավայրի ստեղծման նպատակով մենք ներդրել ենք մի քանի թվային գործիք: Converse Business-ը ֆինանսների կառավարման հարմարավետ ու պարզ հավելված է բիզնեսի համար՝ գործառնությունների պատվիրակման, ֆինանսների շարժը դիտելու, տարբեր գործարքներ կատարելու հնարավորությամբ: Իսկ ծառայությունների, առևտրի ոլորտի կամ առաքմամբ զբաղվող ընկերություններին առաջարկում ենք նաեւ C-POS եւ C-PAY նորարար թվային լուծումները, որոնք հեշտացնում են անկանխիկ վճարումների ընդունումը:

-Ֆինտեխն է առցանց բանկային ծառայությունների զարգացմամբ ֆինանսական անվտանգությունն ու վստահությունը ֆինանսական կառույցների նկատմամբ դարձել են կարևոր մտահոգություններ: Ինչպե՞ս է «Կոնվերս բանկ»-ն ապահովում իր թվային հարթակների անվտանգությունը, թվային տիրույթում ինչպե՞ս էք ձեւավորում եւ պահպանում հաճախորդների վստահությունը:

-Թվային նոր գործիքները, այդ, հարմարավետության հետ մեկտեղ ստեղծում են նաեւ անվտանգային նոր մարտահրավերներ, որոնք լավագույն սցենարում

պետք է կանխատեսել ու կանխարգելել: Թվային ծառայությունների զարգացմանը զուգահեռ՝ մենք պարբերաբար թարմացնում ենք նաեւ անվտանգությունն ապահովող գործիքակազմը: «Կոնվերս բանկ»-ում գործարքների անվտանգությունն ապահովված է միջազգային ամենաբարձր չափորոշիչներին համապատասխան: Ավելին՝ վերջերս ներդրվեց «վստահելի սարք» համակարգը, ինչի շնորհիվ հաճախորդները նույնականացվում են նաեւ թվային հարթակ մուտք գործելու սարքով, իսկ կասկածի պարագայում համակարգը արգելափակվում է:

Այնպես որ, «Կոնվերս բանկ»-ի հաճախորդների ֆինանսական միջոցներին երրորդ անձանց հասանելիության նվազագույնի դիտարկումը ամբողջությամբ զսպվում է:

Մեր գործելանոցն այն է, ինչ բնորոշ է բոլոր պատասխանատու կառույցներին. հնարավոր վտանգների առաջ միայնակ չթողնել հաճախորդին, անել հնարավորը, որ բանկի հաճախորդ լինելը նրա մոտ առցանցվի ոչ միայն բանկային գործարքներ կատարելու հնարավորության, այլ անվտանգության, վստահության եւ պաշտպանվածության հետ:

-Թվային միջավայրը շարունակում է զարգանալ. ինչպիսի՞ միտումներ եք ապագայում կանխատեսում բանկային ոլորտում, եւ ինչպիսի՞ քայլեր է ձեռնարկում «Կոնվերս բանկ»-ը նոր իրողություններին հարմարվելու ու նոր հնարավորություններն օգտագործելու համար:

-Փոխակերպումների դարաշրջանում կարևորվում է ոչ միայն նոր ծառայությունների ներդրումը, այլեւ դրանց մատուցումը պատշաճ որակով եւ սեղմ ժամկետում: Հաճախորդը չպետք է զգա այն քայլերը, որ իրականացնում է գործարք կատարելու համար՝ սմարթֆոնի ակտիվացում, Մոբայլ հավելված մուտք եւ այլն: Նա պիտի լինի իր համար սովորական, հարմարավետ միջավայրում, որտեղ ամեն ինչ պարզ է, հասկանալի, ապահով, անսկառու ու, միաժամանակ, թափանցիկ:

Ներդրել նոր ծառայություններ՝ կանխագուշակելով հաճախորդի վաղվա ցանկությունն ու կարիքը, եւ մատուցել որակյալ, պատշաճ ծառայություններ՝ ապահովելով հաճախորդի տվյալների եւ ֆինանսական միջոցների անվտանգությունը. սա է արդի հնարավորությունների կապիտալիզացիան:

-Ելնելով Ձեր անձնական եւ մասնագիտական փորձառությունից՝ ի՞նչ խորհուրդ կտաք նոր մասնագետներին, որոնք ձգտում են էական ազդեցություն թողնել բանկային համակարգի վրա եւ անցում կատարել թվային դարաշրջանի:

-Քայլե՛ք ժամանակին համընթաց, մի՛ խուսափեք նորարարություններից, յուրաքանչյուր աշխատավայրից քաշե՛ք առավելագույնը, ստացե՛ք ավելին, քան պետք է ձեր աշխատանքային պարտականությունների կատարման համար, կրթվե՛ք, զարգացե՛ք եւ Ձեր գիտելիքը կիրառե՛ք՝ հանուն բարօրության:

-Ձեր ուղերձը AmCham համայնքին:

-AmCham-ը կառույց է, որ միավորում է ոչ միայն տարբեր ոլորտների առաջատար ընկերությունների, կառույցների, այլեւ հարթակ, որը միավորում է առաջադեմ, նորարար մտածողությամբ մարդկանց: Կարծում եմ, որ միավորելով մեր ջանքերն ու հնարավորությունները՝ կարող ենք մեծ ներդրում ունենալ մեր երկրի ապագայի կերտման հարցում:

«ժողովորդ» օրաթերթում եւ Armlur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:

ԿԱՐԾԻՔ

ՃԱՆԱՊԱՐՅՈՒՆ

ՌՈՋԱ ԼԻՆԸ՝ ԻՐ ԵՐԳԵՐԻ ՄԱՍԻՆ

Շարք առավոտ է, իսկ Ռոզա Լինը իր ճանապարհին է դեղի օրագրային-բլոգի հաջորդ կանգառը: «Այսօր ես աշխատում եմ», - վճռականորեն ասում է նա: «Ճանապարհին լինելը զվարճալի էր, քանի որ ես շատ եմ սովորում: Ամեն երեկո երոյթ եմ ունենում, ես սա այն է, ինչ միջոց ցանկացել եմ անել», - գրում է Abqjournal-ը:



Ընդամենը մի քանի տարի առաջ Ռոզա Լինը լքեց իր հայրենիքը՝ Հայաստանը, եւ տեղափոխվեց Լոս Անջելես՝ իրականացնելու երաժիշտ դառնալու իր ողջ կյանքի երազանքը:

Իր նպատակասլացության հետ մեկտեղ նա կարողացավ տպավորել ճիշտ մարդկանց եւ ստանձնեց հայտնիների ազգային հյուրախաղերը բացողի դերը: Նա միացավ Էդ Շիրանին իր շրջագայության ժամանակ, դա երգչուհու կյանքում առաջին շրջագայությունն էր:

«Ես սկսել եմ մարզադաշտերից», - հիշում է նա: «Էդը մոտեցավ ինձ իմ առաջին համերգից առաջ, որպեսզի համոզվեմ, որ չեմ լարվում: Նա ինձ ասաց. «Կստանի եղիր, որ չես լարվում, որովհետեւ ապացուցելու ոչինչ չունես: Դու արդեն այստեղ ես»: Նրա խոսքերն արտահայտեցին այն, ինչ ես միշտ ուզում էի լսել»:

Նա այժմ բացում է Young the Giant-ի շրջագայությունը, որի կանգառը Revel ABC-ում է օգոստոսի 1-ին: «Ինձ համար շուրջը շատ տարբեր են, - ասում է Ռոզա Լինը: - Էդ Շիրանի համար բացումը տեղի ունեցավ մարզադաշտերում, այնպես որ, ես ինձ հետ խումբ ունեի: Այս շրջագայությանը միայն ես եմ, իմ կիթառը եւ մեկ կիթառահար: Հավաքածուն մի փոքր ավելի զուսպ է, բայց լի հզոր երգերով»:

Ինչ վերաբերում է միևնույն արեւուն, Ռոզա Լինը երգերի շուրջ աշխատել է գրող, պրոդյուսեր Ռիկ Նովելիսի հետ:

«Մենք հաճույք էինք ստանում միմյանց հետ աշխատելուց եւ սկսեցինք ամեն օր գրել, - ասում է նա: - Մի քանի ամիս սկսեցինք աշխատել, մի փունջ երգեր ձայնագրեցինք: Վերջին մի քանի ամիսների ընթացքում, նախքան հյուրա-

խաղերի գնալը, ես վերջնական աչքի էի անցկացնում միևնույն արեւուն»:

Թեեւ Ռոզա Լինը վաղ հասավ հաջողությունների, նրա ուղին լի էր վերելքներով եւ վայրէջքներով: «Շատ անցուն գիշերներ եմ անցկացրել, - ասում է նա: - Երեք տարի առաջ ես կարծում էի, որ դա անհնար է: Ես Հայաստանից եմ, ու նման մարդկանց հետ նման բան չի լինում: Առաջին քայլը ԱՄՆ հասնելն էր: Ես ամեն օր աշխատում էի, որպեսզի հետաքրքրեի այս ասպարեզի մարդկանց: Ի վերջո, ես բեմում եմ, ուրեմն արժեք այդպես անել»:

«Ինձ համար կարեւոր է երգել այնպիսի երգեր, որոնք ես զգում եմ, - նշում է

նա: - Գրում եմ իմ փորձառության մասին, բայց փոխում եմ որոշ հղումներ: Դա երգարվեստի գոհարն է»:

Կյանքը ճանապարհին որոշակի ընտելացում է պահանջում: Ռոզա Լինը Լոս Անջելեսում ընկերների մեծ շրջանակ ունի, բայց Հայաստանի տունը կարոտում է:

«Ես բառացիորեն թողեցի իմ կյանքը եւ սկսեցի գրոյից, - պատմում է երգչուհին: - Ես այստեղ մենակ եմ եկել, եւ ինձ համար դժվար էր հեռու լինել իմ երկրից, ընտանիքից եւ ընկերներից: Այնպես որ, ես միշտ փորձում եմ կիսվել իմ պատմությանը երաժշտության միջոցով: Իմ գրած յուրաքանչյուր երգում ես իմ մասնիկն եմ թողնում»:

ՄՊՈՐՏԱՅԻՆ

ՈՍԿԵ ՄԵԴԱԼ՝ ՕՂԱԿՆԵՐՈՒՄ

Հայաստանի սպորտային մարմնամարզության երիտասարդական հավաքակա- նի անդամ Համլետ Մանուկյանը ոսկե մեդալ է նվաճել Եվրոպայի պատանեկան օլիմպիական փառատոնում: Նա վաստակել է 13,666 միավոր: Փառատոնն ընթա- նում է Սլովենիայի Մարիբոր քաղաքում:

ՊԱՐՏՎԵՑ ԼԵՂԵՐԻՆ

Ռումինիայում անցկացվող շախմատի Եվրոպայի միջուկի 18 տարեկանների թիմային առաջնության 6-րդ տուրում մրցեցին առաջատարներ Հայաստանի եւ Լեհաստանի հավաքակախները: 2,5:1,5 հաշվով առավելության հասան լեհ շախմատիստները: Հայաստանի հավաքակախից ոչ-ոքի խաղացին Էմին Օհանյանը, Ռոբերտ Փիլիպոսյանը եւ Արսեն Դավթյանը: Պարտություն կրեց երրորդ համար էրիկ Չաքրյանը: Լեհաստանի թիմը 10 միավորով գլխավորեց մրցաշարային աղյուսակը: Հայաստանի թիմն ունի 8 միավոր եւ երրորդն է: Երկրորդը Իսրայելի առաջին թիմն է՝ 9 միավոր: Առաջնության ավարտին մնացել է մեկ տուր: Հայաստանի թիմը կմրցի ռումի- նացիների հետ:

ՓՈՓՈԽՈՒԹՅՈՒՆ՝ ԲՈՆՑՔԱՄԱՐՏՈՒՄ

Բոնցքամարտի միջազգային ասոցիացիան (IBA) հայտնել է թիմային ձեռ- չափով Global Boxing Cup եւ IBA Champions League ակումբային մրցաշարերի մեկնարկի մասին:

Մրցաշարերը կկայանան 2024 թվա- կանին եւ կունենան խոշոր մրցանակա- յին ֆոնդեր: Չեմպիոնների Լիգան կտեսի 10 ամիս, եզրափակիչը նախա- տեսված է անցկացնել Երեւանում: Մրցաշարին մասնակցելու իրավունք կու- նենան որոշակի քանակությամբ մենա- մարտեր անցկացրած մարզիկները: Մրցաշարերին կմասնակցեն նաեւ կա- նայք: Մրցաշարերին մասնակցելու հնարավորություն կունենան ակումբներ բոլոր 5 մայրցամաքներից, Չեմպիոննե- րի Լիգան բաղկացած կլինի 32 թիմե- րից: Մրցաշարերի նպատակն է բարձ- րակարգ բոնցքամարտիկներին ավելի շատ ելույթներ ունենալու հնարավորու- թյուն տալ ու մարզաձեւը զարգացնել նաեւ ակումբային մակարդակում:

ԻՆՉՈՒՐ ՏԵՂԱՓՈԽՎԵՑ

Ալեքսանդր Կովալենկոն ասել է, թե ինչու է նախընտրել տեղափոխվել Սանկտ Պետերբուրգի «Ջենիթ»:

«Ինձ հետ քննարկվել են «Ջենիթի» եւ «Լոկոմոտիվի» տարբերակները: Մենք հասկացանք, որ «Ջենիթի» հիմ- նական կազմում հայտնվելու հնարավոր- ությունն ավելի մեծ է: Սա կարեւոր պատճառներից մեկն է: Ընդհանուր առ- մամբ, ես պատրաստ եմ մրցակցու- թյան», - ասել է Կովալենկոն Championat-ի հետ զրույցում:

2022/2023 մրցաշրջանում Կովալեն- կոն «Կռիլյա Սովետովում» անցկացրել է 30 հանդիպում՝ դառնալով 2 գոլի եւ 3 գոլային փոխանցման հեղինակ:

Հիշեցնենք, որ հայկական արմատ- ներ ունեցող ֆուտբոլիստը «Արարատ 73»-ի լեգեոն Ալեքսանդր Կովալենկոյի թոռն է:

ՇԱՆՐԱՄԱՐՑ

ՀԱՅԱՍՏԱՆՅԱՆ ԹԻՄԻ ՄԵԴԱԼԱՅԻՆ ԱՐԳՅՈՒՆՔՆԵՐԸ

Բուխարեստում անցկացվող ծանրա- մարտի Եվրոպայի միջուկի 23 տարեկան- ների առաջնությունում Հայաստանի ներկայացուցիչ Ռաֆիկ Հարությունյանը երկրորդ անգամ նվաճեց չեմպիոնի կոչումը այս տարիային խմբում: Նույն ֆազային կարգում համընտ եկող Կարեն Մարգարյանը փոխչեմպիոն է:

81 կգ քաշայինների պայքարում մեծա- հասակների Եվրոպայի չեմպիոն Ռաֆիկ Հարությունյանը երկամարտում գրանցեց 330 կգ արդյունք: Պոկոն վարժությունում գլխավորեցին պահեց 150 կգ, հրեց 180 կգ: Հարությունյանը նվաճեց այս քաշային կարգի երեք ոսկե մեդալները: Եվրոպայի Մ20 եռակի չեմպիոն Կարեն Մարգարյանը երկամարտի արծաթե մեդալը նվաճեց 323 կգ արդյունքով (145+172):

Ռումինիայի մայրաքաղաքում անցկաց- վող Եվրոպայի առաջնությունում Հայաս- տանի թիմն արդեն նվաճել է 2 ոսկե, 3 ար- ծաթե եւ 5 բրոնզե մեդալներ: Մինչեւ 23 տարեկանների պայքարում երկամարտի ոսկե մեդալակիր է դարձել 61 կգ քաշա- յին Գառնիկ Չուլալյանը 255 կգ (140+255) արդյունքով: Մինչեւ 20 տարեկանների պայքարում երկամարտի արծաթե մեդա- լակիրներ են դարձել 67 կգ քաշային Տիգրան Կարապետյանը (275 կգ, 123+152) եւ մեծահասակների Եվրոպայի չեմպիոն Գոռ Սահակյանը (311 կգ, 140+171):

Մինչեւ 20 տարեկանների պայքարում բրոնզե մեդալներ են նվաճել 61 կգ քաշ- ային Մերուժան Եղոյանը (254 կգ, 110+144), 55 կգ քաշային Սեդրակ Խու- դակյանը (216 կգ, 95+121), 73 կգ քաշա- յին Մարտին Պողոսյանը (308 կգ,

136+172), 59 կգ քաշային Ալեքսանդրա Գրիգորյանը (198 կգ, 86 +112) եւ Աբրա- համ Մնացականյանը (313 կգ, 138+175):

Հայաստանի հավաքակախի կազմում Բուխարեստում մրցահարթակ դուրս կգան նաեւ մինչեւ 20 տարեկանների պայ- քարում Սուրեն Գրիգորյանը (89 կգ), Ֆե- լիքս Գետրոյանը (96 կգ), Գարիկ Կարա- պետյանը (102 կգ), Աշոտ Մովսիսյանը (+109 կգ), Ալինա Սուքիասյանը (71 կգ), Աննա Ամրոյանը (76 կգ), Էմմա Պողոսյանը (81 կգ), Մարգարիտա Առաքելյանը (87 կգ) եւ Ջուլիետա Ավանեսյանը (+87 կգ),

Մինչեւ 23 տարեկանների պայքարում կլինեն Գետրոգ Ղահրամանյանը (89 կգ), Արա Աղանյանը (96 կգ), Պետրոս Պետ- րոսյանը եւ Յաշա Մինասյանը (երկուսն էլ՝ 109 կգ), Լիանա Գյուրջյանը (87 կգ), Մերի Թումասյանը եւ Լուիզա Սահրադյանը (եր- կուսն էլ՝ +87 կգ):

● Օգոստոսի 4-ին Գյումրու «Արաքս» մյուզիք հոլում տեղի կունենա Neo Van Band-ի համերգը: Տոմ- սերի արժեքը՝ 5000 դրամ: Սկիզբը՝ ժամը 20:00-ին:



Էջը՝ ԱՆՎԱՐԴ ԿՈՇԿԱԿԱՐՅԱՆԻ

ԱՅՑ

ՀԱՐՑ. Ովքե՞ր եւ ե՞րբ կարող են անվճար այցելել քանդարաններ:

Սարո Եղիազարյան (26 տարեկան)



ՊԱՏԱՍԽԱՆ. ՀՀ մշակույթի նախարարության ենթակայությամբ գործող թանգարանների մշտական ցուցադրությունների անվճար այցելության արտոնություններ են սահմանված թանգարանային աշխատողների, պետական պաշտոնական պատվիրակությունների, մշակույթի ժառանգության բնագավառի ուսանողների, ժամկետային զինծառայողների, ՀՀ ստեղծագործական միությունների անդամների, լրագրողների (տեղեկույթ ստանալու կամ լուսաբանելու նպատակով), նախադպրոցական տարիքի երեխաների համար աշխատանքային բոլոր օրերին, (այցելուի կամ խմբի ղեկավարի կարգավիճակը հաստատող փաստաթղթի առկայությունը եւ թանգարանի կողմից դրանց պահպանությունը պարտադիր է):

ՀՀ ԿԳՄՄ

«ԺՈՂՎՈՒՐԳ». Մյուս բոլոր այցելուների համար թանգարաններ այցելությունն անվճար է յուրաքանչյուր ամսվա վերջին շաբաթ օրը:

ԳՈՐԾԱՐՔ

ՀԱՐՑ. Հանդիսանում են ընկերության լիազորված անձ եւ ցանկանում են մոտենալ Team սղասարկման գրասենյակ գործարք կատարելու նույնպիսի փաստաթղթեր ողես է ներկայացնեն:

Լաֆիկ Գյուրենյան (42 տարեկան)



ՊԱՏԱՍԽԱՆ. Լիազորված անձը պետք է ներկայացնի անձնագիր, ինչպես նաեւ լիազորագիր, որտեղ պետք է նշված լինեն լիազորված անձի կողմից կատարվող բոլոր թույլատրելի գործարքները:

Team Telecom Armenia

«ԺՈՂՎՈՒՐԳ». Լիազորագիրը պետք է վավերացված լինի կնիքով եւ ստորագրությամբ:

ԼՈՒՐ ԿԱԴՐ

Լուսանկարը՝ համացանցից



Հայաստանի տարբեր բուհերի տասնյակ ուսանողներ հուլիսի 31-ին՝ վաղ առավոտից, «Ազատություն Վագիֆ Խաչատրյանին» վանկարկումներով փակել են Կարմիր խաչի միջազգային կոմիտեի հայաստանյան գրասենյակի մուտքը:

«Մեր պահանջն է Կարմիր խաչի միջազգային կազմակերպության ղեկավարի հետ հանդիպում, ժնեում հրավիրեն մամուլի ասուլիս, բոլորին տեղյակ պահեն, որ իրենց անմիջական վերահսկողության տակից մարդ են գողացել, այլապես կստացվի՝ համաձայն են այն ամենի հետ, ինչ տեղի է ունեցել շաբաթ օրը»,- ասաց ակցիայի մասնակիցը:

ԲԱԺՆՈՐԿԱԳՐՈՒԹՅՈՒՆ

Մեր թերթը
Բաժանորդագրվելու
համար կարող եք դիմել

«Հայմամուկ» ՓԲԸ
հեռ. 45-82-00, 45-19-11

«Հայկոստ» ՊՓԲԸ
հեռ. 51-45-46, 51-45-47

«Բլից-Մեդիա» ՍՊԸ
հեռ. 52-5301

Առաքումը՝ ԱՆՎՃԱՐ:



Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադարձանք ձեր բարձրացրած բոլոր խնդիրներին:

ԱՌԱՋԱՐԿ

հայկական տպագիր մամուլից

«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____
Ազգանուն՝ _____
Առաքման հասցե՝ _____
Բջջային եւ/կամ քաղաքային հեռախոս՝ _____

Հեռ.՝ (060) 490049
0023, Արշակունյաց 2, 5-րդ հարկ, 518ս.

ԵՂԱՆԱԿԻ ՏԵՍՈՒԹՅՈՒՆ



Շիրակ	+12+16 +28+33	Արարատ	+22+24 +38+39
Կոտայքի լեռներ	+12+15 +28+32	Արմավիր	+21+23 +38+39
Կոտայքի նախալեռներ	+19+21 +34+36	Վայոց ձորի լեռներ	+13+15 +28+30
Գեղարքունիք	+12+16 +27+32	Վայոց ձորի նախալեռներ	+21+24 +37+39
Լոռի	+14+17 +25+28	Սյունիքի հովիտներ	+18+22 +37+39
Տավուշ	+16+21 +28+31	Սյունիքի նախալեռներ	+14+18 +28+31
Արագածոտնի լեռներ	+12+15 +27+30	ԼՂՀ	+19+23 +35+39
Արագածոտնի նախալեռներ	+18+23 +33+38	Երեւան	+21+23 +36+38

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ
Հասցեն՝ ք. Երեւան, Աբովյան 22՝/3, հեռ՝ 010 54-64-23
Պետական գրանցման վկայականի համարը՝ 03Ա089086
տրված է 24.11.2010
Ստորագրված է տպագրության 31.7.2023

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆՂ» տպարան ՍՊԸ հրատարակչությունում
խմբագրություն հանձնված նյութերը չեն գրախոսվում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»: